



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5181/25
Sarajevo, 19.08.2025. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Kristić Danijele, dostavlja se;
VEZA: Vaš akt broj: 01-04-32093-26/24 od 10.07.2024. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničku inicijativu, koju je dana 30.07.2025. godine uputila zastupnica Kristić Danijela, a koja je glasila „Inicijativa za hitno unapređenje sigurnosti saobraćaja na raskrsnici koja se nalazi na lokaciji Alipašino polje između C i B faze.“.

Odgovor:

„Uprava policije, Ministarstva unutrašnjih poslova Kantona Sarajevo je od predstavnika pravnog lica „BS Telecom Solution „ d.o.o. Sarajevo upoznata da će u skladu sa nalogom Ministarstva saobraćaja Kantona Sarajevo, u narednom periodu biti poduzete mjere uspostave novog režima rada semafora na navedenoj raskrsnici, s ciljem unapređenja sigurnosti saobraćaja. Napominjemo da je odredbama Zakona o uređenju saobraćaja na području Kantona Sarajevo propisano da Ministarstvo saobraćaja Kantona Sarajevo odobrava nove organizacije saobraćaja i obezbjeđuje tehničko-tehnološko jedinstvo cesta. Policijski službenici Uprave policije, Ministarstva unutrašnjih poslova Kantona Sarajevo u skladu sa svojim nadležnostima provode pojačane kontrole svih učesnika u saobraćaju na navedenoj lokaciji, djelujući preventivno i represivno, a sve u cilju unapređenja sigurnosti saobraćaja i zaštite svih učesnika.“


S poštovanjem,

Prilog:

1. Akt Ministarstva unutrašnjih poslova Kantona Sarajevo, Uprave policije broj:02/2-2316/25 od 13.08.2025. godine;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Broj: 02/2-2-316 /25
Datum: 13.08.2025. godine

13-08-2025

663

MINISTARSTVO UNUTRAŠNJIH POSLOVA
-S e k r e t a r u-

PREDMET: Odgovor u vezi s aktom Skupštine Kantona Sarajevo – zastupnička inicijativa „Inicijativa za hitno unapređenje sigurnosti saobraćaja na raskrsnici IX Transverzala – Geteova – Semira Frašte, općina Novi Grad“ – dostavlja se

Poštovani,

U vezi s aktom Skupštine Kantona Sarajevo broj 01-04-31603-15/25 od 31.07.2025. godine, a koji se odnosi na inicijativu zastupnice u Skupštini Kantona Sarajevo, gđe. Danijele Kristić, kojom se traži hitno unapređenje sigurnosti saobraćaja na raskrsnici IX Transverzala – Geteova – Semira Frašte, općina Novi Grad, obavještavamo Vas da je Uprava policije Ministarstva unutrašnjih poslova Kantona Sarajevo izvršila potrebne provjere.

Od predstavnika pravnog lica **“BS Telecom Solution” d.o.o. Sarajevo** upoznati smo da će, u skladu s nalogom Ministarstva saobraćaja Kantona Sarajevo, u narednom periodu biti preduzete mjere uspostave novog režima rada semafora (signalnog plana) na navedenoj raskrsnici, s ciljem unapređenja sigurnosti saobraćaja. Također, informisani smo da upravitelj puta planira rekonstrukciju predmetne saobraćajnice.

Podsjećamo da je u skladu sa odredbama Zakona o uređenju saobraćaja na području Kantona Sarajevo („Službene novine Kantona Sarajevo”, broj 30/17, 46/17 i 01/22) propisano da Ministarstvo saobraćaja Kantona Sarajevo, donošenjem rješenja po službenoj dužnosti ili na zahtjev nadležnog upravitelja cesta, odobrava nove organizacije saobraćaja i obezbjeđuje tehničko-tehnološko jedinstvo cesta. Novom organizacijom saobraćaja, u smislu navedenog zakona, smatraju se:

- a) promjene saobraćajnog toka (uvođenje jednosmjernih i dvosmjernih ulica, preusmjeravanje saobraćaja, izmjene korištenja saobraćajnih traka i sl.),
- b) promjena signalnog plana na semaforu,
- c) promjene u organizaciji ili načinu korištenja parking prostora,
- d) druge promjene koje utiču na funkcionisanje kantonalnog saobraćajnog sistema u cjelini,
- e) određivanje prioriteta prvenstva prolaza i ograničenja brzine,
- f) izmjene i dopune saobraćajnog projekta,
- g) određivanje zona smirenog saobraćaja,
- h) vođenje elektronske evidencije saobraćajne signalizacije na području Kantona Sarajevo.

S obzirom na to da je inicijativa, pored Ministarstva unutrašnjih poslova Kantona Sarajevo, upućena i Ministarstvu saobraćaja Kantona Sarajevo, očekujemo da će navedeno ministarstvo, u skladu sa svojim nadležnostima, sagledati stanje saobraćajne infrastrukture na predmetnoj raskrsnici te preduzeti odgovarajuće mjere i radnje.

Uvažavajući činjenicu da se predmetna raskrsnica nalazi na važnom saobraćajnom čvorištu s povećanom frekvencijom vozila, naročito u periodima najveće gužve, te imajući u vidu sigurnosne rizike koje takva situacija nosi, Ministarstvo unutrašnjih poslova Kantona Sarajevo će, u saradnji s Ministarstvom saobraćaja i drugim nadležnim subjektima, pratiti i analizirati efekte uspostavljanja novog signalnog plana i rekonstrukcije saobraćajnice.

Također, obavještavamo Vas da policijski službenici Uprave policije MUP-a Kantona Sarajevo, u skladu sa svojim nadležnostima, provode pojačane kontrole svih učesnika u saobraćaju na ovoj lokaciji, djelujući preventivno i represivno, a sve u cilju unapređenja sigurnosti saobraćaja i zaštite svih učesnika.

Ministarstvo unutrašnjih poslova Uprave policije MUP-a Kantona Sarajevo ostaje posvećeno kontinuiranoj saradnji s nadležnim institucijama, lokalnom zajednicom i svim partnerima, kako bi se obezbijedio siguran, protočan i efikasan saobraćaj na području Kantona Sarajevo.

S poštovanjem,


POLICIJSKI KOMESAR
Generalni inspektor policije

Fatmir Zajdarevic